

Azeem permata baharu olahraga

B/HARIAN 4/3/19 MS 84

Kuala Lumpur: Arena olahraga negara mempunyai permata baharu apabila Muhammad Azeem Mohd Fahmi yang baru berusia 15 tahun mengungguli acara 100 meter kategori 18 tahun pada Kejohanan Olahraga Remaja Asia Tenggara 2019 di Ilagan, Filipina kelmarin.

Lebih menarik, Azeem yang berasal dari Teluk Intan, Perak yang mencatat masa 10.69 saat (s) untuk memenangi pingat emas turut memadam rekod kejohanan lapan tahun lalu yang menjadi milik atlet Thailand, Rattanopon Sowan dengan masa 10.74s yang dilakukan pada edisi 2011 di Jakarta.

Seorang lagi atlet negara, Muhammad Arsyad Md Saat meraih pingat perak dengan catatan 10.87s sementara pelari Indonesia Muhammad Ardiansyah memenangi gangsa dengan catatan 10.87s.

Jurulatih Azeem di SMK Gunung Rapat, Muhammad Amir Izwan Tan berkata, dia berpuas hati dengan penampilan pertama Muhammad Azeem di kejohanan itu serta seorang lagi anak buahnya, Mohd Irfan Izzan yang menghadihkan emas

dalam acara 110m lari berhalangan dengan catatan 13.75s.

Catatan ke-4 terbaik

Untuk rekod, ini adalah emas kedua Irfan selepas memperoleh pingat emas acara yang sama pada edisi lalu di Thailand.

“Saya berpuas hati dengan catatan masa yang dilakukan Azeem memandangkan ini adalah catatan peribadi terbaik buatnya serta melakukan catatan terbaik pelari negara berumur bawah 15 tahun. Namun apa yang lebih penting adalah dia perlu mengekalkan prestasi bagi melakukan yang lebih baik.

“Bagi saya dia mempunyai kelebihan daripada segi fizikal dan semangat yang tinggi untuk berjaya biarpun hanya akan mencecah umur 15 tahun pada 29 April depan,” katanya kepada *BH Sukan*, semalam.

Sementara itu, Presiden Kesatuan Olahraga Malaysia (KOM) Datuk Karim Ibrahim berkata, kejayaan itu adalah membanggakan apa lagi catatan masa yang dilakukan Azeem adalah catatan masa keempat terbaik kategori senior pada tahun ini.

Seorang lagi atlet negara,



Muhammad Azeem (kiri)

Jonah Chang Rigan berjaya mencatatkan rekod baru acara lontar peluru dengan balingan sejauh 18.03m bagi membaiki rekod 16.76m yang dilakukan atlet Thailand, Patcharapol Singrueang pada tahun lalu, untuk meraih emas.

Perak dimenangi atlet Thailand, Bandit Singhatongkul de-

ngan balingan sejauh 17.62m sementara Lee Jun Long dari Singapura membawa pulang gangsa dengan balingan sejauh 17.01m.

Skua olahraga negara yang menghantar seramai 12 atlet mengakhiri kejohanan selama dua hari dengan memenangi keseluruhan empat emas, empat perak dan dua gangsa.